



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 3. Reliquiæ asportatæ.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

## §. III.

*Reliquiæ asportatæ.*Sæcul. XIII.  
A. C. 1204.

Ceterum nihil meliori jure a se rapi posse Latini putarunt, quam Reliquias, quarum ingens multitudo, in urbem Constantinopolitanam congesta, inde postmodum in Ecclesias Occidentis sparsa est. Sed non facilis plane labor fuit, prohibere, ne profanarentur aut perderentur; quippe milites loculos & arcas confringebant aurum, argentum, gemmasque prædaturi, de ipsis Reliquiis nihil solliciti. Qua re comperta Principes, acriter dolentes, & veriti, ne tot privatorum Sacrilegia iram Dei in totum exercitum provocarent, convocata concione, statuerunt, ut Legatus Apostolicus & Episcopi, addita pœna Excommunicationis, præciperent, ne quis sacras Reliquias retineret, sed cunctæ Garnerii Episcopi Trecentis custodiæ traderentur.

*Transl.  
S. Mamant.  
C. S. Bib.  
Floriac.  
p. 234.  
Sur. 17. Aug.*

Inter alia repertum est quoddam Caput humanum, circulo argenteo inclusum, cum Inscriptione Græca: *S. Ma-*  
*mas.*

re moliti sint. Id ne fieret, monuerat quidem & vehementer hortatus fuerat Innocentius Papa; rem tamen peractam approbavit. Sed quid ageret, cum factum infectum fieri nequiret?



**Sæcul. XIII.** *mas.* Est vero Mamas illustris Martyr,  
**A.C. 1204.** Caesareæ in Cappadocia circa annum du-  
 centesimum septuagesimum quartum  
*Tillem. to. 4.* passus, quem Ecclesia die decima septi-  
**p. 358.** ma Augusti colit. Porro Crucigerorum  
*Mart. Rom.* exercitum comitabatur quidam Cleri-  
**17. Aug.** cus Diœcesis Lingonensis, nomine Ga-  
 lonus *de Dampierre*, qui nullum non  
 movit lapidem, ut has Reliquias sibi ac-  
 quireret, quod sciret, in Ecclesia Lin-  
 gonensi non nullas alias asservari ejus-  
 dem Sancti, quem nomine alio *Mamés*  
 appellant, ac loci Patronum venerantur.  
 Sed eas Galonus ab Episcopo Trecenti  
 obtineri non potuit; quippe is ipse eas-  
 dem Ecclesiæ Lingonensi offerre cupie-  
 bat, cujus Episcopum Hilduinum tenero  
 amicitia affectu amabat.

Tum Garnerio Episcopo Trecenti  
 Constantinopoli die decima quarta A-  
 prilis anno millesimo ducentesimo quin-  
 to fatis functo, Galonus *de Dampierre*  
 Petrum Capuanum Sacræ Sedis Lega-  
 tum adit, atque ad ejus genua provolu-  
 tus inter lacrymas rogat, caput S. Ma-  
 mantis sibi dari. Gavissus est Legatus, quod  
 nactus esset occasionem, Galono gratum  
 faciendi, quem meritorum ejus haud  
 ignarus maximi aestimabat. Quare, ab-  
 jecta omni mora, ne illæ Reliquiæ forte  
 ad aliorum manus pervenirent, ipse se  
 ad Episcopi defuncti ædes confert, eas-  
 que

**S. Mamantis**  
**Reliquiæ.**



que honorifice in domum suam depor-  
 tat. Ut vero omnem dubitandi locum, Sæcul. XIII.  
A. C. 1204.  
 an genuinam esset hoc Caput, auferret,  
 complures Græcos Monachos Clericos-  
 que convocavit, qui lecta circuli argen-  
 tei inscriptione, hoc S. Mamantis caput  
 sine dubio esse affirmarunt. Quin e-  
 tiam Legatus Clericorum suorum ali-  
 quem cum Galono misit ad Monasterium,  
 quod S. Mamantis honori sacrum Isaa-  
 cius Imperator haud diu abhinc condi-  
 derat; cumque Abbas & Monachi Re-  
 liquias vidissent, protinus venerabundi  
 obortis lacrymis in terram se demiserunt,  
 exclamantes, illud ipsum S. Martyris  
 Caput esse, quod aliquis ex Cappadocia  
 monachus attulerat. Mox Galono, ut  
 istud sibi redimerent, magnam pecuniæ  
 vim obtulerunt.

Hæc de veritate Reliquiarum istarum  
 testimonia in Epistola authentica, a Le-  
 gato S. Sedis data, quam Ecclesia Lin-  
 gonensis hodieque conservat, referun-  
 tur. Galonus deinde Episcopus Dymi-  
 cæ, seu Domoci in Thessalia creatus,  
 per triennium in Occidentem redire non  
 potuit. Sed tandem occasione nata Ro-  
 mam profectus, Reliquias suas Lingo-  
 nas detulit, ubi solemnè pompa ab Epi-  
 scopo Roberto de Castellione exceptæ  
 sunt. Hujus Translationis Historiam  
 haud



Sæcul. XIII. haud diu post ejusdem Ecclesiæ Presbyter  
A. C. 1204. ter scripsit.

*Audr. Dand.*  
*ab Ughel.*  
to. 5. p. 1326. Ex Reliquiis Constantinopoli inven-  
tis Dux Venetorum accepit aliquam  
partem veræ Crucis, auro insertam, quam  
Constantinus Magnus, cum in aciem  
procederet, gestasse dicebatur, tum et-  
iam ampullam, prodigioso Sanguine Do-  
mini Nostri plenam, alterum S. Georgii  
brachium, & capitis S. Joannis Baptistæ  
partem; quas Reliquias, Venetias trans-  
missas, in Oratorio suo collocari jussit.  
Balduinus Imperator coronam Domini  
nostri sibi vindicavit, & de Sacro San-  
guine aliquam partem in Flandriam, a-  
liasque Reliquias Regi Franciæ misit.  
Cum etiam corpora sanctarum Agathæ,  
& Luciæ, Basilii & Constantini Impera-  
torum jussu olim ex Sicilia Constantino-  
polim translata, inventa fuissent, Dux  
Venetorum S. Luciæ Reliquias obtinuit,  
& Venetias ad Monasterium S. Georgii  
misit, corpus vero S. Agathæ quibusdam  
Siculis peregrinantibus traditum. Duo  
cives Veneti corpus S. Simeonis Pro-  
phetæ, ex oratorio S. Virginis, Ecclesiæ  
S. Sophiæ propinquo, ablatum, ac in pa-  
triam devectum, in antiqua Ecclesia,  
ab hujus Sancti nomine dicta, depo-  
suerunt.

Cardinalis Petrus Capuanus, ne va-  
cuus discederet, sibi elegit S. Andreæ  
Apo-



Apostoli corpus, anno trecentesimo quin-  
 quagesimo septimo, Constantii Impera-  
 toris cura Constantinopolim delatum,  
 quod, in Italiam reversus, Amalphi urbi  
 in Apulia, patriæ suæ, donavit, ubi pau-  
 lo ante Matthæus Archiepiscopus, Petri  
 sanguine propinquus, Ecclesiam Cathedra-  
 dralem magnifici operis ædificaverat.  
 Cardinalis suis sumtibus *Confessionem* seu  
 sepulchrum sub Altari construxit, quo  
 Apostoli exuvias cum aliis Reliquiis die  
 octava Maji anno millesimo ducentesi-  
 mo octavo intulit. Exinde S. Andreas  
 hujus Ecclesiæ Titulus & urbis Amal-  
 phitanæ Patronus fuit.

Martinus Abbas Parisii in Diœcesi  
 Basileensi, qui cum Germanis Crucige-  
 ris Constantinopolim redierat, inter de-  
 prædationis tumultum in quamdam Ec-  
 clesiam se intulit, a Græcis præcipuo ho-  
 nore cultam, quod in ea defuncta Ma-  
 nuelis Imperatoris Mater jaceret. In  
 eandem Græci ex illa urbis regione ma-  
 ximam pecuniæ copiam, & pretiosas  
 Ecclesiarum, vicinorumque monasterio-  
 rum Reliquias congesserant, sperantes,  
 in tuto ibi futuras. Id vero Crucigeris,  
 antequam urbem superarent, Latini, quos  
 Græci Constantinopoli ejecerant, pro-  
 diderunt. Cum ergo complures hanc  
 Ecclesiam direpturi intrassent, Marti-  
 nus Abbas in quemdam locum secreto-  
 rem

Sæcul. XIII.

A. C. 1204.

*Sup. lib.*

XIII. §. 43.

*Ughel. to. 7.*

p. 272.

*Sup. lib.*

LXXV.

p. 46.

*Gunth. n. 19.**Otto ad**S. Blas.*

c. 49.

Reliquiæ.



Sæcul. XIII.  
A.C. 1204.

rem penetravit, conjiciens, se ibi quod quærebat inventurum. Conspexit ibi senem, optimo vultu, egregia & candida barba, quem, quia vestis Sacerdotum Græcorum ab habitu Latinorum multum abhorret, hominem laicum credit. Mox, voce ad minas & terrorem composita, *agedum*, ait, *diris omnibus devote senecio! exprome pretiosas Reliquias, quas custodis, quod nisi citissime feceris, occisissimus es.* Gestu loquentis perterritus Sacerdos Græculus, nam verba non intelligebat, ut indignantem deliniret, Francorum lingua, cujus non omnino ignarus erat, alloquitur; & Abbas, qui iram simulaverat, eadem lingua, ut potuit, significat, quid ab ipso exigeret.

Tunc vero cum Abbatis species ad Græci senis oculos tota pervenisset, & virum Religiosum esse judicaret, credit, honestius se ei Reliquias suas traditurum, quam militibus Laicis, eas cruentis manibus profanaturis, referavitque arcam, vinculis ferreis firmatam, in quam avidas manus immittens Abbas iis, quæ splendidissima videbantur, reductam in hunc finem togam implevit. Eadem solertia Capellani ipsius fuit. Illico Martinus ex Ecclesia excessit, naves repetiturus, atque amicis, quid portaret, interrogantibus, respondit hilari vultu, quod



quod solebat, *optime succedunt res no-* Sæcul. XIII.  
*stræ.* Tum, celeriter transiens, ad suam A.C. 1204.  
 triremem pervenit, ac in sua cellula,  
 haud sane inculta, sacram prædam ab-  
 scondit, donec tumultus in urbe defer-  
 buisset. Triduo in navi permansit, has  
 Reliquias magno devotionis sensu ho-  
 norans, nemine arcani conscio, nisi ex  
 suis duobus Capellanis altero, & Pres-  
 bytero illo Græco, qui eas tradiderat;  
 is quippe cognita Abbatis bonitate &  
 munificentia ab eo avelli noluit. Ab-  
 bas Martinus, postea Constantinopolim  
 reversus, totam æstatem ibi exegit, clam  
 Reliquias suas colens. Tum, circa Fe-  
 stum Nativitatis Beatæ Virginis nave  
 conscensa, in Palæstinam vela fecit, ac  
 prima die Octobris in portum Acriensem  
 invehctus est. Unde, cum anno sequen-  
 te die Martis ante Dominicam Palma-  
 rum, nona Martii, mari iterum se credi-  
 disse, Venetias in vigilia Pentecostes,  
 tum Basileam, & tandem in suum Mona-  
 sterium Parisinum in Festo S. Joannis,  
 anno salutis millesimo centesimo quinto,  
 pervenit. Reliquiæ, quas attulit, pars  
 de Sanguine Domini nostri, de vera Cru-  
 ce, de ossibus S. Joannis Baptistæ, & mul-  
 tæ aliæ, erant.

n. 22.

n. 23. 24.

Inter viros Ecclesiasticos Francos, *du Cange*  
 militiam sacram secutos, fuit Galonus *Chef.*  
 Sartorius, Canonicus S. Martini Pichi *S. Jean.*  
*Hist. Eccles. Tom. XLX.* B niaci, *p. 106.*



Sæcul. XIII.  
A. C. 1204.

niaci, Milonis Equitis, & Sartonii, pagi prope Durlendarium urbem in Diocesi Ambianensi Domini, filius. Is, cum Constantinopolis diriperetur, non nullas statim occupavit Reliquias, nempe Caput S. Christophori, S. Eleutherii brachium, ac quasdam alias, sed deinde Edicto, quod promulgatum fuit, morem gerens, eas restituit in manus Garnerii Episcopi Trecentis, cujus curæ commissum erat, omnes servare. Galonus deinde Præbenda potitus in Ecclesia S. Georgii *de Mangane*, seu de Armentario Constantinopoli, cum in Vigilia Nativitatis Beatæ Mariæ in veteri Palatio semi collapso, huic Ecclesiæ contiguo, deambularet, fenestram conspexit fœno & lapidibus obstructam; statimque suborta est suspicio, Reliquias ibi delitescere. Nec fefellit conjectura, nam ibi duo vasa, quorum alterum S. Georgii digitum, alterum ejusdem sancti brachium continebat, invenit. Verum, timens fraudem, ea ubi fuerant reposit. Altera die in eodem loco ulterius fodiens, pervenit ad duas lances argenteas, thecis inclusas, quas abstulit, atque ex inscriptione cognovit, in altera S. Georgii & in altera S. Joannis Baptistæ caput includi.

p. 116. Ut hæc Cimelia facilius & tutius transferret, Galonus majores thecas

con-



con fractas vendidit, & minores, quas illæ unacum Reliquiis complectebantur, servavit. Tum ultima die Septembris mari se committens, postquam totum ferme mensem navigasset, Venetias ap- pulit. Inde, superatis alpibus, præd- num insidiis ereptus, ubi haud procul ab urbe Ambiano fuit, ex suis ad Petrum Sartonium, patrum suum, Ecclesiæ Ca- thedralis Canonicum misit, qui mone- rent, ipsum S. Joannis caput asferre. Pe- trus hujus rei certio rem fecit Episco- pum, Richardum *de Gerberoi*, qui hasce Reliquias decenti honore & pompa re- cipere statuit, idque etiam peregit, Do- minica tertia Adventus, die decima se- ptima Decembris, anno millesimo du- centesimo sexto, qua die Ecclesia Am- bianensis etiamnum hujus Translationis memoriam colit. Historiam vero rei gestæ Richardus Episcopus scripsit, ut eam accepit a Galono, cui anno sequen- te Præbendam in Ecclesia Cathedrali contulit. Ceterum hæ S. Joannis Reli- quia solis ossibus a suprema parte fron- tis usque ad labia constant, pro vertice autem suffectus est galericulus argen- teus & deauratus, in quo opere encau- stico S. Joannes, digito Jesum Christum monstrans, exhibetur, cum literis Græ- cis, quæ Præcurso rem Domini indicant.

Sæcul. XIII.  
 A. C. 1204.

S. Joannis  
 Baptistæ Re-  
 liquiæ.

p. 120.

p. 96.

p. 122.

p. 133.



Sæcul. XIII.

A. C. 1204.

*Rigor. p. 48.*

Comes Flandriæ quoque Balduinus, subito Imperium consecutus, Philippo Augusto Regi Franciæ complures Reliquias, ex sancta Capella magni Palatii Constantinopolitani, quod tunc *Bucoleon* dicebatur, raptas misit, videlicet, partem veræ Crucis, pedem unum longam, Capillos Jesu Christi Infantis, unam spinam de ejus corona, partem velamenti linei, quo in præsepi involutus fuit, partem vestis purpureæ, & costam ac dentem S. Philippi Apostoli. Quas deinde Reliquias Rex manu sua Henrico Abbati S. Dionysii Parisiis die septima Junii anno millesimo ducentesimo quinto servandas tradidit. Henricus Balduini Imperatoris frater, Philippo Marchioni Namurcensi fratri ipsorum plurimas Reliquias, eidem Capellæ *Bucoleon* detractas donavit. Nevelo Episcopus Sueffionensis multas Reliquias Ecclesiæ suæ Cathedrali, & Abbatia Dominæ nostræ contulit. Ecclesiæ Trecenti caput S. Helenæ, & pars capitis S. Philippi obtigerunt. Abbatia S. Pantaleonis Reliquiis de capite S. Mamantis, cum pluribus aliis Constantinopoli allatis, locupletata est.

*Chro. Godef.  
mon. an.  
1208.*

§. IV.